

Ruruwhango rāua ko Tangorau

MĀ TE POUAKO
Ngā Tauira Whakaakoranga



TAUMATA 1-2
TE REO MĀORI



TE TĀHUHU O TE MĀTAURANGA
MINISTRY OF EDUCATION

Te Kāwanatanga o Aotearoa

Ngā hononga ki Te Marautanga o Aotearoa

TAUMATA

1-2 Te Reo Māori

TE MOMO O TE TUHINGA

He korero paki, taki, whakangahau, tūhonohono.

NGĀ WHĀINGA AKO

ĀR Āheinga Reo

- Ka whakautu i ētahi pātai māmā e pā ana ki tētahi kaupapa e taunga ana.
- Ka tārua i te pūrākau rongonui kua rangona kētia kia tika te raupapa, kia wairua hihiko anō ngā kōrero

PR Puna Reo

- Ka tautohu i ngā kupu hou i roto i te tuhinga
- Ka tautohu i ngā kupu o te rerenga.
- Ka tautohu i ngā kōrero matua

RR Rautaki Reo

- Ka tautohu i ngā wāhangā o te pukapuka
- Ka whakamahi i te pikitia hei āwhina i a ia ki te whai māramatanga
- Ka whakarongo, ka paparua, ka pupuri ki te hinengaro, ka pao hei rautaki ako reo

Ngā Rauemi Tautoko

- Te Marautanga o Aotearoa
- Hei Korowai Tuatahi mō te Marautanga Reo Māori
- He Ara Ako i te Reo Matatini – Te Pānui me te Tuhituhi
- Hangarau Wāhanga Ako
- He Rau Taki Kōrero: He rautaki ako hei whakapakari i te reo ā-waha (Haemata Ltd. mā te Tāhuhu o te Mātauranga 2016)

Ko ngā āhuatanga reo i roto i te kōrero:

- Ngā kupu huarite
- Ngā kupu hāngū
- Ngā kārawarawa – tohu kōrero, tohu pātai, tohu hā
- Te kīwaha ‘Ēkene koe i au’

Ko ngā kaupapa matua i te kōrero:

- te taiao o te roto – ngā mea ka tipu, ka noho rānei i te taha o te roto
- te huna me te kimi
- te kai o te roto

Ko ngā pātai hai arataki i te kaiako:

-
- | | |
|--|--|
| <p>Whārangi 2-3</p> <ul style="list-style-type: none">• Ko wai a Ruruwhango? Ko wai a Tangorau? Kei hea a Tangorau?• Ko wai tēnā e kōrero ana? Pēhea koutou e mōhio ai?• Whakaatu ā-tīnana mai i te kupu ‘topa’.• Tirohia ngā pikitia. Whakamāramahia te āhua o te wāhi. He aha tā koutou e kite ana? | <p>Whārangi 12-13</p> <ul style="list-style-type: none">• Kei hea a Tangorau?• Kua kitea rānei ia e Ruruwhango? E pēhea ana koutou e mōhio ai?• Kei hea a Ruruwhango? E pēhea ana koutou e mōhio ai? |
| <p>Whārangi 4-5</p> <ul style="list-style-type: none">• Nō wai ngā matihao rakuraku rā?• I aha ngā matihao o Ruru? Kua tau a Ru i hea? (<i>Tirohia te pikitia i te whārangi 3</i>)• Ki ō koutou whakaaro, kua aha a Ruruwhango?• He aha te wīwī? Mā te pikitia koutoue āwhina. E tipu ana te wīwī ki hea? | <p>Whārangi 14-15</p> <ul style="list-style-type: none">• E pēhea ana a Ruruwhango ināianei? He aha koutou e whakaaro pērā ai?• Huna ana a Tangorau ki hea?• Ki ō koutou nā whakaaro, he aha te tikanga o te kīnga ‘Ēkene koe i au’? |
| <p>Whārangi 6-7</p> <ul style="list-style-type: none">• Kei te kite atu a Ruruwhango i te aha?• Kei te kite atu a Tangorau i te aha?• Ka mau rānei a Tangorau i a Ruruwhango? Ka pēhea koutou e mōhio ai? | <p>Whārangi 16-17</p> <ul style="list-style-type: none">• Kua ahatia te kōhangā? E wai?• Auē! Kua aha a Ruruwhango?• He aha ia (a Ruruwhango) i takataka ai? |
| <p>Whārangi 8-9</p> <ul style="list-style-type: none">• Kei hea te tokorua ināianei?• He aha te anga kākahi?• Kua kitea rānei a Tangorau e Ruruwhango?• Whakamāramahia mai te āhua o te rere o Ruruwhango. He aha koutou e whakaaro pērā ai? | <p>Whārangi 18-19</p> <ul style="list-style-type: none">• Kua mau rānei a Tangorau i a Ruruwhango?• Ko Tangorau tērā e hurihuri ana i te māhunga o Ruruwhango?• Kei hea kē a Tangorau?• He pēhea tō Tangorau āhua? He aha ai? |
| <p>Whārangi 10-11</p> <ul style="list-style-type: none">• E pakē ana ngā anga i te aha?• Ki ō koutou nā whakaaro, he aha e rere ai ngā anga i te hau?• He aha te tāwhao?• He aha a Tangorau e huna ai ki reira? | |
-

Ngā Tauira Whakaakoranga

RANGI

HE TAUIRA WHAKAAKORANGA

Rangi 1: Whāinga

- (RR) Ka whakarongo, ka paparua, ka pupuri ki te hinengaro, ka pao hei rautaki ako reo.
- (RR) Ka tautohu i ngā wāhanga o te pukapuka.
- (PR) Ka tautohu i ngā kupu hou i roto i te tuhinga.

Hai mahi 1: Te whakahihiko i te hinengaro – Pao, Pao!

- Whakaarohipa he pakū waiata, rotarota rānei e mōhio nei ngā ākonga eg. Tūtira mai ngā iwi ...
- Kōwhirihiha ko wai ka tīmata.
- Ko tā tērā ākonga he kōrero i tētahi o ngā kupu o te waiata, rotarota rānei.
- Ka pēnei ngā ākonga katoa – ka whakapuaki ia ākonga i tētahi kupu o te waiata – kia tae rā anō atu ki te mutunga.

Hai tauira:

- Ākonga 1: Tūtira
- Ākonga 2: mai
- Ākonga 3: ngā
- Ākonga 4: iwi

Hai Mahi 2: Te tūhura i te whakatakoto o te tuhinga

- Tuhia ngā wāhanga o te pukapuka ki te pepa (ko te uhi, te tuarā, te whārangī, te ihi rangī, te kaituhi, te aha, te aha).
- Tirohia te pukapuka ‘Ruruwhango rāua ko Tangorau’.
- Kōrerohipa te pukapuka, ko tōna kaupapa, ko tōna hanganga.
- Hoatu ngā kupu ki ētahi ākonga.
- Ko tā ngā ākonga he whakapiri atu i ngā kupu nei ki te pukapuka hai whakaatu i tō rāua mōhio ki te tikanga o ngā kupu.

Hai mahi 3: Mahi Whakarongo: Kōrero Pikitia

- Te Taiao – Te Roto

Rangi 2: Whāinga

- (PR) Ka tautohu i ngā kupu o te rerenga.
- (AR) Ka whakautu i ētahi pātai māmā e pā ana ki tētahi kaupapa e taunga ana.
- (RR) Ka whakamahi i te pikitia hei āwhina i a ia ki te whai māramatanga.

Hai Mahi 1: Te whakahihiko i te hinengaro – Pao, Pao!

Whakamahia tētahi o ngā rerenga kōrero i te pukapuka eg. Kimihia, rangahaua ...

- Ākonga 1: Kimihia
- Ākonga 2: rangahaua
- Ākonga 3: he
- Ākonga 4: aha
- Ākonga 5: rā ...

Hai whakauaua ake: Kia mutu rānei te/ngā rerenga kōrero, me tīmata i te kupu whakamutunga, ā, ka hoki whakamuri ki te kupu tuatahi o te waiata/rotarota eg. ... rā, aha, he, rangahaua, kimihia

Hai Mahi 2: Pānuitia te pukapuka mai i te whārangī 2 ki te 7

- Tukuna ngā pātai (*tirohia te poutaha*)

Hai Mahi 3: Te Whakakī Āputa

- Tangorau! Kai te kite atu au!

Rangi 3: Whāinga

- (AR) Ka whakautu i ētahi pātai māmā e pā ana ki tētahi kaupapa e taunga ana.
- (PR) Ka tautohu i ngā kupu o te rerenga.

Hai Mahi 1: Te whakahihiko i te hinengaro – Pao, Pao!

Whakamahia tētahi o ngā rerenga kōrero i te pukapuka.

Hai Mahi 2: Pānuitia te pukapuka mai i te whārangī 8 ki te 15

- Tukuna ngā pātai (*tirohia te poutaha*)
- Kōrerohia ngā whakautu

Hai Mahi 3: Te Waihanga Rerenga Kōrero

- Tukuna te Tohu Tuhituhi

Rangi 4: Whāinga

ĀR Ka whakautu i ētahi pātai māmā e pā ana ki tētahi kaupapa e taunga ana.

Ka taea e te ākonga te tuku me te whai tohutohu māmā (**HANGARAU MATIHIKO – Whakaaro Rorohiko – Whakatupuranga 1**).

Hai Mahi 1: Te whakahihiko i te hinengaro – Pao, Pao!

Hai Mahi 2: Pānuitia te pukapuka mai i te whārangi 16 ki te 20

- Tukuna ngā pātai (*tirohia te poutaha*)
- Matapakihia ngā whakautu

Hai Mahi 3: Hangarau Matihiko: Te Tuhi Waehere

- Kei te huna a Tangorau ki hea?

Rangi 5: Whāinga

RR Ka tautohu i ngā kupu o te rerenga.

Hai Mahi 1: Te whakahihiko i te hinengaro – Pao, Pao!

Hai Mahi 2: Pānuitia te pukapuka katoa

Hai Mahi 3: Te Tūhonohono Kupu Huarite

- Ngā Kupu Huarite

Rangi 6: Whāinga

ĀR Ka tārua i te pūrākau ronganui kua rangona kētia kia tika te raupapa, kia wairua hihi ko anō ngā kōrero.

Hai Mahi 1: Te Taki i te Kōrero

- Kōrerongia anō te paki.
- Whakamahia ētahi rānei o ngā pikitia kore kupu, te katoa rānei o ngā pikitia kore kupu (*tirohia te whārangi whakamutunga o te pukapuka*) kia tākina anō te pūrākau.